



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

De Suspensione, & Interdicto. Cap. viii.

urn:nbn:de:hbz:466:1-10316

ubi hæc fiunt, fieri videntur, & permittuntur, denuncient; cum præceptum eis sit à consilio Viennensi, ut sub pœna peccati mortalis id faciant, postquam de eo ipsis constiterit, quòd tamen facile constare potest, quamvis parte vocata, & judicialiter id fieri debeat.

178 Quamquam, ¶ etiam testor, multos populos Italiae, & Governatores, ac exactores eorum annis, quibus ego Sacrae Pœnitentiariae servio, à Summo Pœnitentiarario S. D. N. petiisse absolutionem à censuris ob hæc incurfis, restitutione promissa parata, vel facta, quos utinam aliorum Regnorum populi, & Rectores imitarentur, Amen, ut in Manual. c. 17. num. 202. vers. quarto de mirari.

179 ¶ Quòd autem parte vacata, & judicialiter de censurarum incurfu constare debeat, procedit ad effectum judiciali-

ter declarandi aliquem in sententiam excommunicationis in Bulla Cœnæ Domini contentam incidisse, & incurrisse. Et in his terminis procedit prima opinio Navarri, sed in foro poli, coram confessorio. Governatores, magistratus, populi, exactores, & alij contravenientes, contentis in Bulla Cœnæ Domini pro verè excommunicatis sunt habendi, & non absolvendi, ex proximè per eundem Navarrum dictis, & *suprà* n. 136. & 144. allegatis, & de his, quæ frequentius in foro contentioso quaeri solent. Hæc pauca mihi de excommunicationis sententia dixisse sufficiat: cum in concernentibus forum conscientia, & Bull. Cœnæ Domini ferè omnes Theologi, & ex recentioribus, Navar. Cardinal. Toletan. Grassi & Sayr. copisè differuerint, ad quos remissè sufficiat.

DE SUSPENSIONE, ET INTERDICTO.

Cap. VIII.

S U M M A R I U M.

- | | |
|---|---|
| <p>1 Censura ecclesiastica sunt tres. Suspensionis, & interdicti sententiam Episcopi, Archiepiscopi, & alij Superiores non incurrunt, nisi de ipsis in constitutionibus expressa mentio habeatur, ibidem.</p> <p>2 Suspendio, quid sit.</p> <p>3 Suspensionis pœnam incurrit Episcopus aliquem aliena diœcesis ordinans sine litteris dimissorij.</p> | <p>4 Episcopus infantem, aut illitteratum ad primam tonsuram promovens, per annum à clericali tonsura collatione est suspensus.</p> <p>5 Insans, quis dicatur.</p> <p>6 Illitteratus, qui dicatur.</p> <p>7 Episcopus sacerdotem indignum, & inhabilem ordinans, à collatione ordinis sacerdotalis est suspensus.</p> <p>8 Episcopus solemniter pœnitentem, aut bigamum</p> |
|---|---|

- gamum ordinans per annum à celebratione est suspensus.
- 9 Episcopus ordinans religiosos, secularesve in communi viventes, non professos sine legitimo patrimonij, aut beneficij titulo, per annum à collatione talium ordinum ipso jure est suspensus.
- 10 Episcopus non denunciatus intra sex menses, quae in concilio provinciali facta fuerint, per duos menses est ab officio suspensus.
- 11 Episcopus conferens duos sacros ordines uno die, vel duobus diebus continuato jejunio, suspensionis poenam incurrit.
- 12 Ordinans in aliena diocesi sine expressa Ordinarij licentia, ab exercitio pontificalium per annum est suspensus.
- 13 Episcopus in aliena diocesi de Ordinarij licentia ordinans, si alienos sine litteris dimissorijs promoverit, suspensionis poena innodatur.
- 14 Pralatus inferior licet exemptus, litteras dimissorias concedere non potest.
- 15 Suspensionis poenam incurrit Episcopus consecrans in aliena diocesi calices, & corporalia sine Ordinarij licentia.
- 16 Episcopi, qui titulares vocantur, si quem ad ordines promoveant sine sui Ordinarij licentia, sunt per annum suspensi.
- 17 Suffraganei quibus ecclesiam dandi.
- 18 Suffraganeus nullibi pontificalia exercere potest, nisi in ecclesia, cui est adscriptus.
- 19 Clemens Papa VIII. constitutionem Sixti V. ad terminos sacrorum canonum reduxit.
- 20 Minorem legitima aetate, vel extra tempora, vel ad duos sacros ordines, eadem die ordinans, suspensionis poenam incurrit.
- 21 Episcopi promoventes ad sacros ordines, patrimonium, aut beneficium non habentes, eisdem vita necessaria, donec illis de beneficio provisum fuerit, supeditare tenentur.
- 22 Episcopus, quando non habentem patrimonium, nec beneficium, ad duos primos ordines promovere possit.
- 23 Suspensionis poenam incurrit, qui ante legitimam aetatem sacros ordines susceperit.
- 24 Minor promotus ad sacros ordines, si est doli capax, ad continentiam votum obligatur.
- 25 Suspensionis poenam incidit, qui ab alieno Episcopo sine sui Ordinarij licentia ordinatur, & nu. 12. in textu.
- 26 Episcopi titulares, quando & quibus ordines conferre possint.
- 27 Clerici minus idonei absque praevio examine promoti, ab Episcopo ad tempus suspendi, & interdicti possunt.
- 28 Suspensus, quando irregularis efficiatur.
- 29 Ordines surtim suscipiens, excommunicationis poenam incurrit.
- 30 Ordinatus praepostere, in sacris ordinibus suspensionis poenam incidit.
- 31 Ordinatus praepostere, ordinum administratione quandiu sit interdicens.
- 32 Ordinatus à simoniacò, vel simoniaco, non recipit ordinis executionem.
- 33 Ordinatus sub ficto patrimonij titulo, est ipso jure suspensus.
- 34 Ordinatus non potest patrimonij, beneficij, pensionisve titulum, ad quem fuit ordinatus, renunciare.

- 35 Ordinari nemo poteſt ſine titulo.
- 36 Patrimonium alienari, extingui, vel remitti non poteſt, niſi poſt ſufficientis beneficii adeptionem.
- 37 Ordinatus ab excommunicato, ſchiſmatico, heretico, depoſito, ſuſpenſo, vel interdicto, ab ordinum ſuſceptorum executione eſt ſuſpenſus.
- 38 Ordinatus ſcienter ab huiusmodi ordinantibus, non poteſt, niſi à ſolo Papa diſpenſari.
- 39 Ordinatus ab eo, qui Episcopatum renunciavit, eſt ſuſpenſus, & ſi ſcienter acciſit, ab alio, quam à Papa diſpenſari nequit.
- 40 Illegitimus ordinibus ſacris initiatus, ſuſpenſionis poena innodatur.
- 41 Bigamus ordines ſine diſpenſatione ſuſcipiens, ipſo iure eſt ſuſpenſus.
- 42 Illitteratus ad ordines promotus, eſt omnino ſuſpenſus.
- 43 Illitteratus eſt dignitatis incapax, & infanti, & furioſo equiparatur.
- 44 Litteratura eſt de iure divino.
- 45 Excommunicatus ordines ſuſcipiens, eſt deponendus.
- 46 Ordinatus extra tempora, eſt ipſo iure ſuſpenſus.
- 47 Ordinati ſede Episcopali vacante, cum litteris dimiſſoriis Vicarij, ſeu capituli, ſunt ad futuri Praſulis beneplacitum ſuſpendendi.
- 48 Capitulum litteras dimiſſorias concedens, interdicti poenam incurrit.
- 49 Vicarius ſede vacante, dimiſſorias litteras concedens, per annum eſt ab officio ſuſpenſus.
- 50 Vicarius, & capitulum, quando litteras dimiſſorias, & ordinandi facultatem concedere poſſunt.
- 51 Beneficia in confidentiam obtinentes ſunt ipſo iure ſuſpenſi.
- 52 Episcopi, beneficia curata praſertim indignis aut alijs inhabilibus conferentes, à collatione beneficiorum ea vice ſunt ſuſpenſi.
- 53 Episcopi, & alij superiores dignitatis res, & bona eccleſiarum vacantium ſibi vindicantes, ſuſpenſionis poenam incurrun.
- 54 Prelati beneficiorum reſignationes, aut permutationes contra conſtitutiones Pij V. formam fieri permittentes, ſuſpenſionis ſententiam incurrun.
- 55 Prelati bona eccleſiarum Rom Pontifici inconſulto alienantes, ſuſpenſionis, aliasque poenas incidunt.
- 56 Episcopi, & alij superioris dignitatis Prelati, limina Apoſtolorum ſtatim temporibus ad formam conſtit. Sixti V. non viſitantes, ipſo iure ſunt ſuſpenſi.
- 57 Conſervatores Sedis Apoſtolicæ, quando ſuſpenſionis poenam incidunt.
- 58 Conſervatoria Univerſitatum, collegiorum regularium, & ſimilium non ſunt ſublata.
- 59 Iudices eccleſiaſtici excommunicationis ſententiam non præmiſſa iurisdictione ferentes, ſunt ipſo iure ſuſpenſi.
- 60 Iudices eccleſiaſtici ſententiam excommunicationis, ſuſpenſionis, & interdicti ſine ſcriptis, & ſine cauſa expreſſione ferentes, vel copiam ſcripturae non tradentes, ſunt ſuſpenſi.
- 61 Viſitatores, qui in viſitatione aliquid præter victualia accipiunt, ſuſpenſionis poena ligantur.

- 62 Clericus homicida sacerdotij munus nullo pacto exercere potest.
- 63 Interdictum Papa violans, est ipso jure suspensus.
- 64 Celebrans ac dimittens Missam imperfectam, suspensionis poenam incurrit.
- 65 Oculum alteri eruens, ac seipsum castrans, ut caste vivat, suspensionis poenam incurrit.
- 66 Fornicatores publici, ab officio sunt suspensi.
- 67 Ecclesia cujusque canonibus obedire recusantes, sunt suspendendi.
- 68 Princeps prohibens synodi celebrationem, à communione est suspendendus.
- 69 Clericus ludis, & ebrietati indefinenter inserviens, suspensionis poena puniendus.
- 70 Clerici, & alij, cum suspectis mulieribus impudenter habitantes, & hujusmodi incorrigibiles, omni ecclesiastico honore sunt privandi.
- 71 Litteras falso scribens sub nomine majoris partis capituli, ab officio, & beneficio suspendendus.
- 72 Infamatus publice de simonia, donec veritas excutiatur, suspensionis poena est subijciendus.
- 73 Clericus infamatus, quod mulierem in ecclesia cognoverit, suspensione est puniendus.
- 74 Instrumenta proprietatis ecclesiae, quibus ecclesia sua pura tueri potest, subtrahentes, suspensionis poena mulentur.
- 75 Ecclesia bona occupantes intuitu potentiae secularis, suspensionis sententiam incurunt.
- 76 Sacerdotes male Eucharistiam custodientes, tribus mensibus ab officio suspendendi.
- 77 Dignitatem, vel electionem de manu laici suscipiens, suspensionis poenam incurrit.
- 78 Ecclesiastica persona sermones in choro cum secularibus, dum divina officia recitantur, protrahentes, suspensione puniendi.
- 79 Interdictum, quid sit.
- 80 Regnum, civitas, & qualibet loca, ubi Legati, vel Nuncij Apostolici officium impediatur, interdicto sunt subiecta.
- 81 Civitas, locusve, & qui Episcopum offenderint, hocque fieri mandantes, interdicti poena puniuntur.
- 82 Civitas & locus, ubi Romani Pontificis electio est facienda, quando interdicti poenam incurrant.
- 83 Excommunicari nemo potest pro alieno delicto.
- 84 Interdicto punitur patria ob delictum principis.
- 85 Interdictis ecclesiis, capella, oratoria, & cœmeteria interdicta intelliguntur.
- 86 Excommunicatio non civitatibus, sed certis personis tantum infligitur, idem ejus loco ponitur interdictum.
- 87 Interdicti tempore, qua fieri à jure permittantur.
- 88 Interdicti tempore, solemnibus tantum diebus festis solemnibus benedictio fieri potest.
- 89 Interdicti tempore solemnibus Missarum celebratio quando fieri possit.
- 90 Interdicti tempore, defunctorum cadavera in cœmeterijs sepelientes, excom-

- municationis sententiam incurrunt.
- 91 Clerici, & regulares interdicti tempore (cum silentio tamen) possunt sepe-
liri.
- 92 Interdictum pro pecuniario debito mini-
mè laxandum.
- 93 Pecunia appellatione, quidquid pecunia
estimatur, intelligendum.
- 94 Interdictum in Romana curia pro pecu-
niario debito, ab Auditore Camera A-
postolica laxari solet.
- 95 Obligantes se in forma Camera Aposto-
lica ad solvendum summam aliquam
Romæ, vel alibi, omnibus censuris se
submitunt.
- 96 Consuetudine, aut legitima prescriptio-
ne, aut papa approbatione excommu-
nicandi, & interdicendi, jurisd. suo
acquirunt.
- 97 Pecuniarj debiti causa, ut interdictum
relaxetur, qua requirantur.
- 98 Interdictum pro ulla pecunia quanti-
tate laxari posse expressè prohibe-
tur.
- 99 Iudices ecclesiastici interdictum pro de-
bito pecuniario laxare non possunt.
- 100 Animas debiti suffragijs defraudantes,
ad restitutionem tenentur.
- 101 Acta, qua contra leges fiunt, sunt
nulla.
- 102 Auditor Camera Apostolica non habet
facultatem pro debito pecuniario in-
terdictum promulgandi, nisi ei speciali-
ter demandetur.

CENSURÆ † Ecclesiasticæ sunt tres, nempe, excommunicatio, sus-
pensio & interdictum. Et quia pro-
ximo cap. de excommunicatione egimus,
restat, ut de suspensione, & interdicto
nonnulla differamus.

Periculosum quidem est Episcopis, &
aliis superioribus, Archiepiscopis scilicet,
Patriarchis, & Primatibus propter ex-
ecutionem pontificalis officij, quod fre-
quenter incumbit, ut in aliquo casu
interdicti, vel suspensionis sententiam ipso
facto incurrant. Idem Innocentius IV.
in concilio Lugdunensi provida delibe-
ratione duxit statuendum, quod Epi-
scopi, & alij superiores prædicti nullius
constitutionis occasione, sententiæ, sive
mandati prædictam incurrant sententiam,
nullatenus ipso jure, nisi in ipsis de Epi-
scopis expressa mentio habeatur, *c. quia pe-
riculosum, juncta gl. in verb. superioribus, de
sent. excō. in 6. & idem est de Cardinalibus*

non Episcopis, ut tenent ibi Dō, & Francj.
Suspensio † est censura, qua alicui per-
sonæ ecclesiasticæ prohibetur exercitium
sui officij, vel beneficij ecclesiastici in to-
tum, vel in parte à judice, vel à lege in-
flicta. Navar. de suspens. c. 27. n. 151. tom. 3.
& Graff. in decis. par. 1. lib. 4. c. 25. num. 1.
quam Card. Tolet. breviter definit, in-
quit enim, quod suspensio est ecclesiastica
censura, privans usum ecclesiastici officij,
aut beneficij, ut in instruct. sacerdot. lib. c. 42.
in princ. quod præcipuè cavere debent Epi-
scopi in ordinum collatione, quorum
causa in pluribus casibus contra ipsos su-
spensionis pœna est imposta.

Primò enim, † quantum ad ordi-
nes, Episcopi ordinantes clericos alicui
probitas ac mores Ordinariorum suorum
testimonio commendentur, à collatione
ordinum per annum, & ordinati, à susce-
ptorum executione, quamdiu propriis
Epi-

- Episcopis videbitur expedire, sunt suspensi; conc. Trident. cap. 8. de reform. sess. 23. cap. 1. cum plur. seq. 9. quast. 2. cap. 121. quast. 2. cap. 1. & tot. tit. de temp. ord. in 6.
- 4 Secundò infanti, ¶ seu illiterato clericalem tonsuram Episcopus conferre non potest, & contrafaciens in eo, in quo deliquit, punitur, quia à collatione clericalis tonsuræ duntaxat per annum est ipso jure suspensus, ut c. fin. eod. tit. in 6. Infans verò dicitur, ¶ qui primum septennium nondum explevit, ut tenet Greg. Sayr. in Thef. cas. conse. lib. 4. c. 12. num. 18. tom. 1. per glo. 12. in d. cap. fin. in ver. infanti.
- 6 Et ¶ illiteratus ad effectum suscipiendi primam tonsuram est, qui legere, & scribere nescit, concil. Trident. cap. 4. de reform. sess. 23.
- 7 Tertio, ¶ Episcopus sacerdotem indignum, & inhabilem ordinans, à collatione illius ordinis sacerdotalis est suspensus, cap. si quis Episcopi, & ibi gloss. in ver. illi, 1. quast. 1.
- 8 Quarto, solemniter pœnitentem, vel bigamum ordinans, est per annum à celebratione suspensus, cap. nullus; § 5. dist.
- 9 Quintò ¶ ordinans clericos, religiosos, sive seculares, more religiosorum viventes in communi, non profectos, sine legitimo titulo patrimonij, vel beneficij, juxta dispositionem conc. Trid. cap. 2. sess. 22. de de reform. per annum à collatione talium ordinum ipso jure est suspensus, ut in constit. Pij V. in Bull. cap. 74. §. nos igitur, & §. statuentes, ne taliter promoti ante professionem, sine titulo patrimonij, religionem exeuntes, cogantur mendicare, contra mentem sacri concilii Trident. cap. 2. de reform. sess. 21.
- 10 Sextò, Episcopus ¶ qui intra sex menses non denunciavit subditis, quæ in concilio provinciali facta fuerint, ab officio per duos menses est suspensus, cap. ult. ubi glo. fin. 18. dist.
- 11 Septimò, ¶ conferens duos ordines sacros uno die, vel duobus diebus continuato jejunio, à collatione eorundem ordinum est suspensus, donec à Sede Apostolica gratiam meruerit obtinere, cap. litteras, & cap. dilectus, de temp. ordin.
- 12 Octavò in aliena diœcesi ordinans ¶ sine expressa Ordinarij loci licentia, ab executione pontificalium per annum, & ordinatus ab executione ordinum sic susceptorum arbitrio sui Prælati est suspensus, concil. Trident. cap. 5. sess. 6. de reform.
- 13 ¶ Et si de licentia Ordinarij in aliena diœcesi ordinat, non potest personas eidem Ordinario non subiectas ordinare, aliàs eandem suspensionis pœnam incurrit, ut cap. 2. de reform. sess. 14. nisi clerici aliarum diœcesum suas litteras dimissorias habeant, quia tunc non excluduntur, quominus possint ab Episcopis in extraneis in aliena diœcesi de licentia Ordinarij Pontificalia exercentibus, ordinari; ut fuit à sacr. Congr. Concil. decisum, ut in decis. super eod. cap. 5. sub tit. Bisignanen. Quam licentiam non potest ¶ Prælati inferior concedere, etiam si sit exemptus, sed Ordinarius loci, videlicet, Episcopus, in cujus diœcesi locus est situs, ut ibidem super eod. cap. sub. tit. Lucan.
- 14 Nono ¶ Episcopus in aliena diœcesi sine illius, Episcopi licentia calices, vel

corporalia consecrans aut benedicens, etiam bona fide, eandem suspensionis poenam ipso facto incurrit ut, per Navar. *de senten. excom. conf. 69. numer. 1. par. 2.*

16 Decimo, † Episcopi ecclesiarum, quæ in partibus infidelium consistunt, qui titulares vocantur, in quocunque loco, etiam quantumcunque exempto, & nullius diæcesis, si quem promoveant ad quemcunque ordinem, etiam ad primam tonituram, cujusvis privilegii, etiam familiaritatis prætextu, sine licentia ipsius proprii Ordinarij, sunt ab exercitio pontificalium per annum suspensi, concil. Trident. *cap. 2. de reformat. sess. 14.*

17 Et † Pius V. post publicationem concil. Trid. decreto suo consistoriali sancivit, huiusmodi Episcopos non esse creandos, neque Suffraganeos dandos, nisi ecclesiis Cardinalium, & illis, quæ solent habere, & cum certo stipendio perpetuo ad minus ducentorum aureorum de Camera super fructibus illius ecclesiæ, qui propria auctoritate ab ipso percipi possint,

18 † Et quod nullibi possit pontificalia exercere, sine expressa licentia Sedis Apostolicæ, nisi in illa diæcesi, cui datus est in Suffraganeum, congr. conc. *super d. cap. 2. sess. 14.* Et Sixtus V. *sua constitutione, quæ incipit; Sanctum, & salutare, in 2. part. Bull. Rom c. 29.* diversas alias poenas, & censuras ecclesiasticas contra Episcopos, & alios Prælatos in ordinum collatione peccantes, & similiter contra clericos, tam seculares, quàm regulares, malè promotos constituit, absolutionem, & dispensationem Sedi Apostolicæ † reser-

vando, quam Clem VIII. ad termines sacrorum canon. ac constit. Pij Papæ II, & dispositionem decretorum sac. conc. in omnibus, exceptis contra simoniacè ordinantes, & ordinatos, per eundem Six. V. inflictis restrinxit, atque reduxit, ut in constitutione & reductione, de qua per Greg. Sayr. in *Thes. cas. consc. lib. 4. c. 17. in fi.* ubi etiam tenet, quod, qui in poenas prædictæ Bull. Six. V. antequam hæc Clementis VIII. constitutio edita, & promulgata fuit, insiderunt, à prædictis poenis virtute posterioris Clem. VIII. constitutionis non liberantur, sed earum absolutionem, & dispensationem à summo Pontifice petere, & obtinere tenentur, ac si dicta constitutio Clem. VIII. edita non fuisset, *ubi post finem constit. vers. primum est.*

20 Minores † legitima ætate, vel extra tempora, aut ad duos sacros ordines eadem die ordinantes, ab ordinandi potestate sunt suspensi, donec à Sede Apostolica absolutionis beneficium obtinuerint, *cap. litteras, cap. vel non, & c. dilectus, de rem. ord. & c. si qui Episcopi, 1. quest. 1. conc. Trid. in c. 13. de reformat. sess. 13.*

21 Ordinibus † autem sacris clericos patrimonium, aut beneficium, vel pensionem non habentes promoventes, illis vitæ necessaria ministrare tenentur, donec eisdem de beneficiis competenter fuerit provilum *c. Episcopus, c. tuus, de prob. & dign. c. si Episcopus, eod. tit. in 6. & conc. Trid. 22. cap. 2. de reformat. sess. 21.* † Poteest tamen Episcopus ordinare subditos suos ad ordines subdiaconatus, ac diaconatus, ad titulum, & portionem ecclesiarum matricum, non obstant. quod non participant de fructibus illarum, nisi post susceptum *pref.*

presbyteratus ordinem, ut per sacram congregat. fuit decisum sub dict. cap. 2. sub titul. Aceruen. S. potest Episcopus.

23 Susceptione ¶ ordinum pluribus modis huiusmodi incurritur pœna.

24 Primò, cum ante legitimam ætatem sacris ordinibus quis promovetur, & licet sit minor, ¶ tamen recipit ordines, & dummodò sit doli capax, obligatur voto continentie ordini annexo, cap. pueri, & ibi gloss. 1. & 2. 1. quest. 1. & cap. unio, & ibi gloss. in ver. discretionis, de cler. per salt. promot. sed suspenditur ordinum executio, cap. vel non est compos, & ibi Abb. numer. 3. de temp. ord. inò est ipso jure suspensa, & si huiusmodi suspensione durante, in eisdem ordinibus quis ministrare præsumpsit, eo ipso irregularitatis pœnam incurrit, de qua in constit. Pij II. in Bull. Rom. c. 6.

25 Secundò, ¶ quando sine sui Præsulis licentia ab alieno Episcopo quis ordinatur, cap. quod translationem, eodem tit. cap. 1. & 2. 9. quest. 2. cap. 1. & 2. 21. qu. 2. cap. 1. & 2. de temp. ordin. in 1. Et tunc ab executione ordinum sic susceptorum, donec suo Prælato visum fuerit, taliter promoti sunt ipso jure suspensi, ex dispositione sac. concil. Trident. ubi inquit, ¶ Et

26 quoniam nonnulli Episcopi ecclesiarum, quæ in partibus infidelium consistunt, clero carentes, & populo Christiano, cum ferè vagabundi sint, & permanentem sedem non habeant, non quæ Jesu Christi, sed alienas oves in seio proprio pastore quærentes, dum per hanc Sanctam Synodum se pontificalia officia in alterius diocesi, nisi de loci Ordinarij expressa licentia, & in personas eidem Ordinario subje-

ctas tantùm, exercere, prohibitos vident, in legis fraudem, & contemptum quasi Episcopalem cathedram in loco nullius diocesis sua temeritate eligunt, & quocumque ad se venientes etiam si suorum Episcoporum, seu Prælatorum litteras commendatitias non habeant, clericali characterè insignire, & ad sacros etiam presbyteratus ordines promovere præsumunt: quo plerumque fit, ut minus idonei, & rudes, ac ignari, & qui à suo Episcopo, tanquam inhabiles, & indigni rejecti fuerunt, ordinati, nec divina officia peragere, nec ecclesiastica sacramenta rectè valeant ministrare; nemo Episcoporum, qui titulares vocantur, etiam si in loco nullius diocesis etiam exempto, aut aliquo monasterio cujusvis ordinis resideriat, aut moram traxerint, vigore cujusvis privilegii sibi de promovendo quocumque ad se venientes pro tempore concessi, alterius subditum etiam prætextu familiaritatis continuæ cõmentalitatis suæ, absq; sui proprij Prælati expresso consensu, aut litteris dimissoriis ad aliquos sacros, aut minores ordines, vel primam tonsuram promovere, seu ordinare valeat, contrafaciens ab exercitio pontificalium per annum, taliter verò promoti ab executione ordinum sic susceptorum, donec suo Prælato visum fuerit, ipso jure sint suspensi, cap. 2. de reformatione. sess. 14. & in suspensione celebrando irregularitatis pœnam incurrit, Pius II. ead. constit. 6.

27 Tertiò, ¶ minus idonei absque præcedenti examine, & commendatitiis litteris promoti, à susceptorum ordinum exercitio ad tempus, de quo Episcopo ordinario videbitur, suspendi, & ne in altari, aut aliquo ordine ministrent,

Yyy inter

- interdici possunt, *capit. 3. eadem sessione.*
- 28 † Quando autem suspensio ipso jure incurritur, ministrans in ordine, aut celebrans efficitur irregularis, *cap. 1. in de sentent. excommunic. in 6. Abb. in cap. si celebrat, num. 4. vers. suspensus majori, de cler. excommunic. ministr. Felyn. in cap. Apostolic. num. 16. in fin. vers. & scias, de except. & Tolet. in instr. Sacerd. cap. 45. sub numer. 2.*
- 29 Quarto, † qui se ingerit in multitudine ordinandorum, ut ab Episcopo pluribus præoccupato sine examine ordinetur, ordines furtivè suscipiendo, ut per gloss. in *cap. 1. in verb. furtivè, de eo qui surr. ord. suscip. & ibi Abb. in rubr. & in cap. 1. numer. 1. & cap. Lugdunen. 9. question. 2. pœnam excommunicationis, quæ regulariter auctoritate ordinaria ante ordinationem intimatur, & promulgatur, incurrit, de qua in eodem capit. 1. & Abb. numer. 4.*
- 30 Quinto, † cum præposterè quis ordinatur puta ad diaconatum, priusquam esset subdiaconus, quia, licet character imprimaatur, *cap. un. & ibi gloss. in ver. ministrare, de cleric. per salt. promot. † tamen est ei interdicens administratio, donec ad priorem ordinem, quem non suscepit, promoveatur, cap. sollicitudo, 76. distinct. Et taliter promotus in præposterato ordine ministrans scienter, incidit in pœnam tituli de cler. non ordin. ministr. & non potest cum eo, nisi per Sedem Apostolicam, dispensari, Hostien. in summ. de cler. per salt. prom. s. ult. in fin. & Navar. in cap. 27. nu. 34. 242. tom. 3.*
- 32 Sexto, † per promotionem à simoniacò, quo casu promotus, licet recipiat ordinem, non recipit tamen illius executionem, Hostien. in summ. de temp. ord. s. & à quo, numer. 6. & 7. vers. quid si signorem. Eandemque pœnam incurrit, qui simoniacè ordinatur, ut est text. in c. 2. s. 1. in fin. in extravag. com. de simo. & Grass. decis. aur. cap. 98. num. 5. par. 1. lib. 2. ubi per illam extravag. post Navar. cap. 23. num. 111. vers. quarto, & quinto, lib. 3. tenent, quod simoniacè promotus est excommunicatus.
- 33 Septimò, † qui, cum patrimonium non haberet: fictè, non autem realiter, à parente, vel amico, patrimonium sibi obtinuit assignari, ut ad subdiaconatus ordinem posset promoveri, & est ipso jure suspensus, nec ad superiores ascendere potest, nisi secum fuerit dispensatum, *cap. perpetuas, num. 5. Nemo enim potest ad ordines sacros promoveri, nisi beneficium ecclesiasticum, aut patrimonium, vel pensionem habeat redditus competentis, eorum ex quibus fructibus commodè vivere possit, c. Episcopus, c. suis de prob. & dign. c. sanctorum, 70. dist. c. si Episcopus de prob. in 6. & concil. Tridentin. in cap. 2. de reform. sess. 12. titulus autem hujus patrimonij debet esse verus, cum non deceat eos, qui divino ministerio adscripti sunt, cum ordinis dedecore mendicare, aut sordidum aliquem quæstum exercere: competuntque sit, complures plerisque in locis ad sacros ordines nullo ferè delectu admitti, qui variis artibus, ac fallaciis constringunt, se beneficium ecclesiasticum, aut etiam idoneas facultates obtinere, Unde statuit sancta synodus, † ne quis deinceps clericus secularis, quamvis aliàs sit idoneus moribus, & scientia, & ætate, ad sacros ordines promoveatur, nisi prius legitime constet, eum beneficium ecclesiasticum, quod*

quod sibi ad victum honestè sufficiat, pacificè possidere: id verò beneficium resignare non possit, non expresso, quòd ad illius beneficii titulum sit promotus, neque ea resignatio admittatur, nisi confitito, quòd aliunde commodè vivere possit; & aliter facta resignatio nulla sit, patrimonium verò, vel pensiones obtinentes ordinari non possint, nisi illi, quos Episcopus iudicaverit assumendos prò necessitate, vel commoditate ecclesiarum suarum: eo quoque prius perspecto, ¶ patrimonium illud, vel pensionem aut beneficium verè ab eis obtineri, taliaque esse, quæ eis ad vitam sustentandam satis sint, atque illa deinceps sine licentia Episcopi alienari, aut extingui, vel remitti nullatenus possint, donec beneficium ecclesiasticum sufficiens sint adepti, vel aliunde habeant, unde vivere possint, antiquorum canonum pœnas in his innovando, conc. Trid. c. 2. de reform. sess. 21.

37 Octavo, ¶ promotus ab excommunicato, schismatico, hæretico, deposito, suspensio, vel interdicto, recipit ordinem; quia tales conferunt sacramenta, & verum corpus conficiunt, dummodò in forma Ecclesiæ agant, quod agunt, cap. secundum, 19. distinct. c. Dominus declaravit, §. 41 memento, 1. quæst. 1. c. ostenditur, & c. quomodo, §. cur. hæretici de consecr. dist. 4. gl. in c. 2. de ordin. ab Episc. qui resign. Episc. Sed est suspensa executio, c. si qui à simoniaco, & ibi gloss. in ver. si qui, 1. quæst. 1. Hostiens. in sum. de temp. ord. §. & à quo, n. 6. Abb. in 42. d. c. 2. n. 1. & 3. de ord. ab Episc. qui resign. Episc. & Innoc. in c. fraternitatis nu. 4. de hæret.

38 ¶ Et si scieat à simoniaco, schismatico, hæretico, vel suspensio sit promotus, solus Papa potest dispensare, si verò igno-

ranter, poterit Episcopus; dummodo ipse non sit prædictis censuris illaqueatus; cum super proprio defectu dispensare non possit. Angel. in sum. in verb. irregularitas, vers. 3. incipien. septimò queritur.

39 Nonò, ¶ qui fuit promotus ab eo, qui renunciaverat Episcopatum, qui executionem ordinis non habebat, cap. 1. de ord. ab Episc. qui resign. Episc. Et si scienter suscepit ordines ab eo, qui cum Episcopatus dignitatem renunciavit, est suspensus, nec potest ab alio, quàm à Papa, securè dispensari, si verò ignoranter, poterit Ordinarius suus cum ipso dispensare, ut in dict. cap. & ibi Abb. num. 6. Burg. de irreg. in rubr. de ord. ab Episc. qui renunt. Episc. par. 6. nu. 6. & 7.

40 Decimò, ¶ illegitimus, qui sacris ordinibus ordinari prohibetur, cap. 1. & 2. 56. distinct. cap. 1. de fil. presb. & ibi Abb. num. 1. & concil. Tridentin. capit. 5. sess. 23. de reform. quia est irregularis, Navar. de irreg. capit. 27. num. 201. tom. 3. Ordinarius enim, licet recipiat characterem, non tamen habet ordinis executionem, ut cap. fin. 56. distinct. Diaz. in pract. crimin. cap. 14. in fin.

41 Undecimò, ¶ bigamus, qui ad ordines promoveri non potest, cap. curandum, & c. si quis viduam, il. 1. cum seq. 34. distinct. & c. 1. 2. & 3. de big. quia bigamia inducit irregularitatem, Grass. decis. aur. 6. 27. n. 58. par. 1. lib. 4.

42 Duodecimò, ¶ illitteratus, cap. precipimus, 32. distinct. cap. 1. & cap. penitentes, 55. distinct. c. illitteratos, 36. distinct. c. fin. de empr. ord. in 6. & conc. Trid. c. 4. 11. & c. 17. ead. sess. 23. Et illitteratura adeò reddit promotum indignum, ne possit beneficium

- obtinere, quòd, si Papa, quod absit, etiam ex certa scientia, alicui prorsus idiotæ pro-
videret, committendo Ordinario, aut alteri executionem litterarum, non esset ei parendum, si esset illitteratus Abb. in cap. si quando, nu. 3. de rescr. & ibi Felyn. n. 4. & in c. inquisitioni, nu. 4. de sentent. excommu-
43 nic. † quia illitteratus est incapax dignitatis ipso jure, Navar. relect. cap. si quando except. 12. numer. 1. & except. 13. num. 2. tom. 2.
44 de rescript. † Quia litteratura est de jure 50 divino, cap. nisi, cum pridem, §. pro defectu, de renunc. & Felyn in dict. cap. Inquisitioni, eodem num. 4.
45 Decimotertio, † excommunicatus ordinari non potest: & excommunicationis sententia innodatus ordinem suscipiens, ab illo ordine est deponendus, & à solo Papa potest dispensari, cap. cum illorum, & ibi Abb. num. 2. de sent. excommunic.
46 Decimoquarto, † ordinatus extra tempora, qui de jure communi erat suspendendus, donec secum foret dispensatum, cap. cum quidam, & cap. litteras, in fin. de temp. ord. Sed hodie est ipso jure suspensus, & celebrando, efficitur irregularis, per dictam const. Pij II. in Bull. eodem c. 6.
47 Decimoquinto, † ordinati, sede Episcopali vacante intra annum vacationis, cum litteris dimissorijs capituli, seu Vicarij ejusdem capituli; si in minoribus ordinibus fuerint constituti, nullo privilegio clericali, præsertim in criminalibus, gaudere possunt; si verò in majoribus, ab executione ordinum, ad beneplacitum futuri Prælati, sunt ipso jure suspensi.
48 † Et capitulum litteras dimissorias concedens, interdicti pœnam incurrit. Vicarius verò, † ab officio, & beneficio per annum est ipso jure suspensus, conc. Trident. in c. 10. de reform. sess. 7. & c. 10. de reform. sess. 23. Post annum sedis vacantis, poterit capitulum, seu Vicarius litteras dimissorias, & facultatem ordinandi concedere, etiam sede Episcopali vacante, sac. congregat. concil. super eodem cap. 41. sess. 7. in decis. sub tit. V. §. llen.
50 Decimosexto, † duos sacros ordines eadem die nemo suscipere potest, privilegijs, ac indultis quibusvis concessis, non obstantibus quibuscunque, concil. Trident. cap. 13. de reform. sess. 23. Aliàs sic promoti sunt suspensi, donec fuerit illis suspensio relaxata, cap. litteras, in fin. de temp. ord. Et ratione executionis ordinis, etiam plures pœnæ incurruntur de quibus supra, cap. 35.
51 Beneficiorum † occasione insuper quamplurimi suspensionis pœnam incurrunr. Et plenè obtinentes beneficia in confidentiam; quo ab ingressu ecclesiæ sunt ipso jure suspensi etiam Episcopi, ac S. R. E. Cardinalis, per Bull. Pij IIII. de confid. in Bull. cap. 109. & plures alias pœnas incurrunr, ut ibi, & in constitut. Pij V. in eodem Bull. cap. 87.
52 Secundò, † Episcopi, & alij collatores beneficia, præsertim curata, personis indignis, & quæ in loco residere, ac per se ipsos curam ipsam exercere non valent, contentes, à collatione beneficiorum ea vice sunt suspensi, & collatio est irritanda, cap. grave nimis, de preb. & concil. Trident. c. 3. de reform. sess. 7.
53 Tertio, † Episcopi, Archiepiscopi, vel Patriarchæ, Abbates, alijve regulares, vel seculares Prælati, aut quæcunque eccle-

ecclesiasticæ personæ, quæ vacantibus dignitatibus, personatibus, prioratibus, vel ecclesiis quibuscunque sibi subjectis, vel ad collationem, ordinationem, aut præsentationem pertinentibus, eorundem bona, morientibus eorum rectoribus, vel ministris, in ipsis inventa, sive vacationis ipsorum tempore obvenientia, quæ in utilitatem eorundem expendi, vel futuris debent successoribus fideliter reservari, occupare, aut in ulus suos convertere, quoquomodo præsumunt: Episcopi, ab ingressu Ecclesiæ; & cæteri, ab officio, & beneficio, tandiu sunt suspensi, donec competentem fecerint restitutionem, *c. fin. de off. ord. in 6. & Navar. in Manual. c. 27. n. 57. in princ.*

54 Quartò, resignationes, & permutationes beneficiorum fieri debent ex causis, ac modo, & formâ, *de quibus in constitutione vij. quæ incipit. Quanta Ecclesiæ, & de qua in Bull. c. 48.* & qui contrafecerint, ut in eo, in quo deliquerint, puniantur, à beneficiorum, & officiorum collatione, nec non electione, præsentatione, confirmatione, & institutione, prout cuique competierit, tandiu suspensi debent remanere, donec remissionem à Romano Pontifice meruerint obrinere, & qui talia beneficia recipiunt, eisdem pœnis subjacent, & alias pœnas incurrunt, *de quibus in ead. constitutione §. qui verò.*

55 Quintò, † Prælati alienantes bona ecclesiarum, inconsulto Romano Pontifice suspensionis, aliasque censure, & pœnas incurrunt, *de quibus in extravag. ambitiose de reb. Eccles. non alien.*

56 Sextò, † Patriarchæ, Primate, Archiepiscopi & Episcopi, Itali videlicet, vel

ex Italicis insulis, unde in Italiam commodius trajici potest, veluti Siculi, Sardi, Corsi, & alii adiacentium provinciarum Italiæ, ac etiam Dalmatiæ, & Græcarum, quæ è regione ipsas Italiæ, & Sicilia oris sunt, tertio quoque anno; Germani verò, Hispani, Galli, Belgæ, Bohemi, Ungari, Poloni, Angli, Scoti, Hiberni, & cæteri omnes, qui in Europa sunt citra mare Germanicum, & Balticum, ac omnium insularum Maris Mediterranei, quarto anno; & qui intra Europæ fines sunt, his Provinciis remotiores, ac etiam Africani littoribus nostris aduersi, ac Insularum Maris Oceani, Septentrionalis, & Occidentalis, Europæ, & Africa citra continentem novi orbis, quinto anno: Asiatici verò, & qui ultra Asiam, & aliis novis terris Orientalibus, Meridionalibus, Occidentalibus, & Septentrionalibus, tam in Insulis, quàm in continentibus, & deniq; in quibuslibet mundi partibus, decimò quolibet anno à tempore suscepti muneris consecrationis, vel pallii traditionis, Sanctorum Apostolorum Petri, & Pauli limina visitate tenentur, alioquin ab ingressu ecclesiæ, ac etiam ab administratione, tam spiritualium, quàm temporalium, necnon à perceptione fructuum suarum ecclesiarum, à capitulis eorum omni exceptione, & mora cessante, interim exigendorum, & in opus fabricæ seu ornamentorum ecclesiæ emptionem, prout major necessitas exegerit, infumendornm, ipso facto tandiu sunt suspensi, donec à contumacia respicientes relaxationem suspensionis hujusmodi à sede Apostolica meruerint obtinere, *ut in constit. Sixti. Papa V. de qua in 2. par. Bull. capit. 17. §. ad hoc autem, & §. jubemus, pag. 47.*

57 Iudices, & quoque ecclesiastici pluribus de causis suspensionis pœnam incurrun.

Primò enim iudices conservatores Sedis Apostolicæ; qui, cum de manifestis injuriis, & molestis tantum possint cognoscere, juxta concil. Trident. *cap. 5. de reformat. sess. 14.* scienter tamen in aliis non manifestis absque Sedis Apostolicæ speciali commissione se intromittunt, per annum ab officio sunt suspensi, ut in *cap. 6. & Navar. in Manual. cap. 27. nu. 157. vers. nona.* Et Greg. XIII. omnibus regularibus concessit, ut in civitatibus Italiæ sibi conservatores eligerent, coram quibus convenirentur, semelque electos non mutarent; & eorum nomina intra mensem locorum Episcopis indicarent, alioquin coram ipsis Ordinariis conveniri possint, ut in *decis. concil. super eod. cap. 5. sub. tit. jud. conservat.*

58 † Conservatoriæ autem Universitatum collegiorum regularium, & similitum non sunt sublatae per conc. Trid. ut in *decis. super eod. cap. 5. sub. tit. Mediolanen. Lovaniens.* sed Universitatum prosunt tantum doctoribus, & scholaribus in eisdem Universitatibus operam suam navantibus, ut *ibi, sub. titulo. Ofcen.*

59 Secundò, † iudices ecclesiastici, debita juris monitione non præmissa, sententiam excommunicationis ferentes, ab ingressu ecclesiæ per mensem sunt ipso jure suspensi, *cap. de illicita, 24. quest. 3. cap. sacros. & ibi gloss. in ver. per mensem, de sent. excom. Navar. in Manual. d. 6. 27. n. 156. vers. quinta.* Et hanc pœnam non incurrun Episcopi, cum eorum non sit fa-

cta mentio specialis, *c. quia periculosum, de sen. excom. in 6.*

60 Tertio, † iudices sententiam excommunicationis, suspensionis, aut interdicti sine scriptis, vel sine causæ expressione ferentes, vel requisiti copiam scripturæ intra mensem non tradentes ab ingressu ecclesiæ, & divinis officiis per mensem sunt suspensi, ut in *cap. cum medicinalis de sent. excom. in 6. & Navar. d. n. 256. vers. sexta.*

61 Quarto, † visitatores, qui in visitatione aliquid accipiunt ultra victualia, & quæ ex juris dispositione in visitatione capere possunt, ut *cap. exigit, de cens. in 6. & concil. Trid. cap. 3. de reformat. sess. 24.* Et de pluribus suspensionibus à jure laici habetur per gloss. in *clem. cupientes, in verb. suspensi, de pœnit.*

Pluribus etiam de causis per ordinum susceptionem clericis suspensionis pœnam incurrun, *de quibus supra in c. 1. par. 3.*

62 † Et clericum homicidam mirum est, putare, post perpetratum homicidium posse in sacerdotio ministrare, imò suadere velle, ut tali præbeatur assensus, nemo tam demens, tamque perversi sensus esse debet, ut post quantamcumque pœnitentiam tale quid concedendum præsumat; cum omnino canonicæ disciplinæ sit contrarium; & debeat sacerdotio privatus lachrymarum fonte flagitium tam immane diluere, ut tali saltem remedio curatus, salutis possit invenire suffragium, ut inquit *tex. in cap. miror, 5. dist. etiam si homicidii aut facti, aut præcepti, aut consilio, aut defensione tantum conscius fuerit cap. si quis viduam, ead. 50. dist. & cap. sicut dignum, 8. clericos autem de homicid.*

63 Interdictum † Papæ violans est ipso ju-

- re suspensus, *cap. fin. in fin. de excep. Prælat. conversus de hæresi, & apostata, cap. 2. & 3. i. quæst. 7.*
- 64 † Celebrans, ac dimittens Missam im perfectam, *e. nullus Episc. de consecr. dist. 1.*
- 65 † Et qui se sponte castravit, etiam ut caste viveret, *cap. significavit, de cohabit. cler. & mul. & c. si quis pro aegritudine, § 5. distin. Qui eruit alteri oculum cap. fin. ead. dist.*
- 66 † A publici fornicatores, & adulteri sunt etiam ab officio suspensi, *ut in cap. fin. junct. gloss. in verb. proposito, de cohabit. cleric. & mul. Sylvest. in ver. cleric. 2. §. 5. & est communis opinio, de qua testatur Cou. prin. par. relect. §. 1. num. 5. quem sequitur Card. Tolet, in instruct. sacer. d. lib. 1. cap. 47. numer. 9* Et de pluribus suspensionibus à jure latis habetur per gloss. *in clem. cupientes, in verb. suspensi de pæn.*
- 67 Ab homine † sunt suspendendi:
Primò, qui Ecclesiæ, & eius canonibus obedire recusant, *cap. hac consona, 25. quæst. 1. & cap. nulli fas, in fin. 19. dist.*
- 68 Secundò, † Princeps prohibens synodi celebrationem, qui est à sacramentali communione suspendendus, *cap. quoniam quidem §. hunc ergo, & ibi gloss. in verb. 77. communionem, 18. dist.*
- 69 Terriò † clericus non cessans à ludo, & ebrietati deserviens, quia ebrietas est omnium vitiorum fomes, & nutrix, *cap. Episcopus, & cap. fin. 35. dist.*
- 70 Quartò, † cum mulieribus suspectis impudenter habitantes, *cap. Archidiaconum, 81. dist. & incorrigibiles nolentes à mulierum cohabitatione cessare. Quia*
- inconvinentes omni honore ecclesiastico sunt privandi, cap. proposuisti, 82. distin.*
- 71 Quintò, † scribens litteras sub nomine majoris partis capituli, licet major pars non intervenerit, ab officio, & beneficio debet denunciari suspensus; donec mereatur à Papa indulgentiam obtinere; *cap. tam litteris, de test. & c. quanto, de his, quasi à prælatis. fin. cons. c. 6.*
- 72 Sextò, † infamatus de simonia propter scandalum, donec constet de veritate, est à Missarum celebratione suspendendus, *cap. accusatus, & ibi gloss. & cap. seq. de simon.*
- 73 Septimò, † presbyter diffamatus, quòd cognoverit mulierem in ecclesiâ; *c. significasti, in fin. de adult.*
- 74 Octavò, † subtrahentes instrumenta proprietatis ecclesiæ, ex quibus ecclesia sua jura tueri potest, *cap. si quis, 12. quæst. 2.*
- 75 Nondò, † occupantes res ecclesiæ, intuitu secularis potentie, *cap. qui res, de Eccles. non alien.*
- 76 Decimò, † sacerdotes malè custodientes Eucharistiam, si quid inde enorme sequatur: qui tribus mensibus ab officio sunt suspendendi, *cap. 1. de custod. Euch.*
- 77 Undecimò, † dignitatem, vel electionem de manu laici sulcipientes, *cap. si quis deinceps junct. gloss. in verb. interdicimus, & c. seq. 16. q. 7. & c. quisquis, & ibi gloss. in verb. fiat de elect.*
- 78 Duodecimò, † ecclesiasticæ personæ, quæ, dum officia recitantur in choro, silentium fugientes intendunt exterius colloquutionibus laicorum: & dum auditam ad indebitos sermones effundunt, aures inten-

intentas non porrigunt ad divina, *c. dolentes, de celebr. Miss.*

- 79 Interdictum ¶ verò est censura ecclesiastica, qua prohibentur divina officia, sacramenta, & sepulture active, & passive, aliquibus exceptis, *cap. non est vobis, de sponsal. cap. quod in te, de pœnitent. & remiss. cap. alma mater de sentent. excommunicat. in 6. Navar. in Manual. cap. 27. numer. 164. in princip. tom. 3. & Graff. decis. aur. cap. 26. num. 1. lib. 4. par. 1.*
 Et est duplex locale, & personale; & hoc interdictum locale, sive personale, est etiam duplex; speciale, & generale, de quibus per Graff. *ead. c. 26. n. 2. & 3. & 82*
 pluribus de causis interdictum generale apponitur.
- 80 Primò, ¶ quando dominus Regni, civitatis, alicujus loci impedit, ne Legatus, aut Nuntius Apostolicus exequi possit officium suum in suis locis: quia tunc eius Regnum, civitas, & quælibet loca ei subiecta, tamdiu sunt eo ipso ecclesiastico supposita interdicto, quamdiu in hujusmodi contumacia dominus loci perstiterit, *ut in extravag. comm. super gentes de consuet.*
- 81 Secundò, ¶ qui quemvis Episcopum injuriosè, vel temerè percussit, aut ceperit, seu banniverit, vel hæc mandaverit fieri, aut facta ab aliis rata habuerit; vel socius in his fuerit facientis, aut consilium in his dederit, vel favorem, seu scienter defensaverit eundem: propter eius culpam terra ipsius; dum tamen ultra unam diœcesim non contineat, usque ad condignam satisfactionem eiusdem. loculque, aut loca, in quibus captus Episcopus detinebitur, quamdiu detentio ipsa in eisdem duraverit, ecclesiastico subjacere debet

interdicto, *clemen. 1. de pœn. & ipsius filii per masculinam lineam descendentes, usque ad secundam generationem ipso facto inhabiles ad ecclesiastica beneficia in civitate, & diœcesi, in quibus idem Episcopus præsidet, obtinenda redduntur, ut in ea. clē. à feudis.* Injuria enim, quæ Episcopis fit, Christo fit, cujus legatione funguntur, *c. accusatio quoque in fin. 2. q. 7.* Dominumque crucifigunt, qui suos sacerdotes persequuntur, *cap. nulli, in fin. 3. q. 1.* & etiam in excommunicationis sententiam in Bull. Cæn. Dom. contentam ipso facto incidunt, *ut in eadem Bull. sub. num. 11.*

82 Tertiò, ¶ quando aliquis dominus, rector, vel officialis civitatis, in qua moriatur summus Pontifex; & in qua facienda sit electio Romani Pontificis, *ut in c. ubi periculum, de elect. in 6.* non faciunt ea inviolabiliter observari, absq; ulla fraude, & dolo, quæ *in d. c. ubi*, sunt statuta, quia tunc civitas, & locus ipso facto est interdictus, *ut in eo. c. ubi periculū, §. præterea vers. civitas.* Et de his, ac pluribus aliis casibus quib⁹ incurritur, & fertur interdictū plenè, ac benè trad. Greg. Sayr, *in Ehes. cas. cons. c. 12. lib. 5. par. 1.* Et licet non debeat aliquis alterius culpa gravari, *cap. nam debet, de reg. jur. in 6.* ¶ Nec filius excommunicetur pro peccato patris, aut pro mariti peccato uxor, nec servus pro domino, *cap. si habes, 24. q. 3. cap. quæsit in fin. de his, quæ s. à mayo. par. c. & Felyn. in cap. sanè, 2. numer. 2. de off. deleg.* Non tamen procedit dicta ¶ regula in interdicto: quia pro delicto Principis potest patria subijci interdicto, *d. cap. non est vobis, & ibi glo. ver. Provinciarum, & Abb. numer. 4. de spons. d. cap. sanè, & ibi gloss. in ver.*

ver. specialiter gloss. in sum. 1. q. 4. & Ab. 85 in d. c. sanè nu. 6. & 7. Et ¶ interdictis ecclésijs, sunt etiam interdicta oratoria, cappellæ, & cœmeteria; prout interdictis civitatibus, suburbia etiam interdicta censentur, c. si civitat. de sent. excom. in 6.

86 Civitates ¶ autem, universitates, terræ, collegia, capitula excommunicari non possunt: quia excommunicatio non nisi contra personas certas fieri potest, sed hoc casu propter delictum domini, & alijs quibusdam casibus, ejus loco apponitur interdictum, cap. quamquam §. qui verò, & ibi gl. de cens. c. Romana, in fin. de sent. excom. ubique in 6. & Navar. in cons. 20. nu. 2. par. 2. lib. 5. de sent. excom.

87 Casus ¶ à jure permitti tempore interdicti supra in definitione excepti sunt octo.

Primo, baptisma parvulorum & adultorum, cap. quoniam & ibi gloss. in ver. interdicti, de sent. excom. in 6.

Secundo, confirmatio, eod. quoniam cum gloss. in ver. qua.

Tertio, confectio chrisimatis, cum concessio baptismate, & confirmatione per consequens sit concessa chrisimatis confectio, cum baptismus sine chrisimate fieri non possit, d. c. quoniam, & Abb. d. c. non est vobis num. 8. de spons.

Quarto, confectio corporis Christi semel in septimana pro infirmis, & tunc submissa voce, januis clausis, non pulsatis campanis, excommunicatis, & interdictis exclusis, pro quo conficiendo Missa celebratur, cap. permittimus, extra de sentent. excommunic.

Quinto, matrimonij celebratio, quod valet, cum teneat etiam contractum ab

excommunicato majori excommunicatione, gloss. in d. c. fin. in verb. Sacramentis de sentent. excomm. in 6. ¶ non tamen potest fieri solemnis benedictio nisi in festivitibus Natalis Domini, Paschæ, Pentecostes, & Assumptionis Virginis gloriosæ, de quibus in eodem c. fin. ut per Franc. & Raven. ibi.

Sexto, Pœnitentiæ Sacramentum, ut d. c. non est vobis.

Septimo, Eucharistiæ Sacramenti administratio pro viatico, quod decedentibus tempore interdicti non denegatur, cap. quod in te jurata gloss. in verb. denegatur de pœnitent. & remiss. gloss. in dict. cap. fin. in verb. sacramentis & Abb. in d. cap. non est vobis, num. 8. de spons.

¶ Octavo, quamvis sit Missarum solemnitas celebratio, & campanarum pulsatio interdicta, nihilominus in festivitibus Natalis Domini, Paschæ, Pentecostes, & Assumptionis Virginis gloriosæ, & in celebratione Festivitatis Sanctissimi Corporis Christi, & diebus illius octavæ, campanæ pulsari, & januis apertis alia voce divina officia solemniter celebrari possunt, excommunicatis prorsus exclusis, sed interdictis admisis, quibus ob reverentiam dictarum solemnitatum, ut ipsa ad humilitatis gratiam, & reconciliationis affectum facilius inclinentur, præmissis diebus participatio divinatorum est permessa, proviso tamen, quod illis, propter quorum excessum interdictum est prolatum, altari nullatenus appropinquetur, ut dicto cap. fin. §. in festivitibus, de sentent. excommunic. in 6. & gloss. in clem. 1. in verb. à jure de sepult. Mart. V in cons. 6 §. quodq; in Festo in Bull. Rom. p. 64. & Eug. III. in eod. Bul. const. 4. p. 67.

Zzz Nunquam

- 90 Nunquam autem ꝑ interdicti tempore licet defunctorum corpora in cœmeterijs, & multò minus in Ecclesijs sepelire, & contrafacientes ipso facto excommunicationis sententiam incurrunt *d. clement. 1.*
- 91 exceptis tamen clericis, ꝑ qui servaverunt interdictum, quibus cum silentio, & absque campanarum pulsatione, eo tempore est concessa sepultura, *cap. quod in te, s. licet autem de pœnit. & remiss. & regularibus ut in c. & privilegia de privil. & alijs speciali privilegio munitis.*
- 92 Pro ꝑ pecuniario debito, vel pecuniæ quantitate quacumque occasione, vel causa, Provincia, civitas, castrum, villa, locus, territorium, vel districtus auctoritate ordinaria sine Sedis Apostolicæ speciali licentia interdici non potest, *ut in extravag. com. cap. proinde, s. presentis de sentent. exc. Abb. in c. ex rescripto n. 3. de jur. juran. & Felyn. in d. cap. sane 2. nu. 3. de off. & potestate jud. deleg.*
- 93 ꝑ Appellatione autem pecuniæ omnis res continetur, cujus valor numismate mensuretur, *l. pecunia verbum, & ibi Alciat. num. 2. ff. de verb. signif. l. recepticia C. de const. pecu. & gl. in d. c. proinde in verb. pecunie appellatione in extravag. com.*
- 94 Tamen ꝑ in curia Romana, postquam constat quòd executio realis, vel personalis contra debitores fieri non potest, interdictum ab Auditore Camerae Apostolicæ pro debito pecuniario contrahentibus, castra, & loca relaxatur, quia debitum contrahentes ultra bona, etiam personaliter obligant se, suosque hæredes & successores in forma Camerae Apostolicæ, cujus obligationis vigore contrahentes ꝑ obligando se ad solutionem impendendam Romæ, aut alibi; renunciant omnibus, & quibuscumque legibus, & legum auxilijs, exceptionibusque, & quibusvis censuris se submitunt, & ex consuetudine, quæ propter Papæ præsentiam videtur approbata in dicta curia, ad interdictum pro debito pecuniario proceditur, ꝑ quia consuetudine cum legitima præscriptione, aut Papæ approbatione acquiritur jurisdictio excommunicandi, ea scilicet facultate capitibus, *Navar. d. c. 27, num. 7. tom. 3. Sed hoc casu, ut interdictum relaxetur, plura concurrere debent.*
- 97 ꝑ Primò, quòd instrumentum sit rogatum in curia Romana, vel statu ecclesiastico Sedi Apostolicæ subiecto, inter personas eidem sedi in temporalibus subiectas, & quòd mandatum ad obligandum fuerit datum per capita domorum ejusdem loci, quia alias, qui non dederunt mandatum nisi sint hæredes, aut successores, aut propterea vi obligationis comprehensì, non tenentur interdictum promulgatum pro debito pecuniario servare, cum nec filius pro patre, maritus pro uxore, aut servus pro domino censuris ecclesiasticis possit innodari, *ut d. cap. si habes, 24. quest. 3. cum alijs supra allegatis.*
- 98 Post ꝑ proximè, & alia supra in prima parte, *cap. 11. num. 16.* circa obligationem cameralem per me scripta, vidi constitutiones, de quibus infra, ubi Bonif. Papa VIII. Quia tempore, inquit, interdicti divina organa suspenduntur, & laudes Dei, nec ecclesiastica Sacramenta ministrantur, ut solent; tolluntur mortuis, seu minuuntur suffragia; præsertim per oblationem frequentem hostiæ salutaris; adoles-

adolescentes, & parvuli percipientes rarius sacramenta, minus inflamman- tur, consolidantur in fide fidelium, tepescit devotio, hæreses pullulant, & multiplicatur periculum animarum: præsentis constitutionis providemus edicto; ut Provincia, civitas, castrum, villa, locus, territorium, vel districtus, auctoritate ordinaria, vel delegata, pro pecuniario debito, vel pro cujusvis moneræ, vel pecuniæ quantitate interdicto ecclesiastico supponi minimè possint, & paulò post, si secus, irritum esse, & inane, & revocandum decernimus. Non obstante quibuscunque contractibus, obligationibus, pactis, conventionibus, compositionibus, submissionibus, fideiussionibus, consensibus, processibus, & sententijs desuper habitis vel habendis, juramentorum, pœnarum spiritualium, & temporalium, seu mulctarum, vel quacunque alia firmitate vallatis, nisi talis suppositio fiat de Apostolicæ Sedis licentia speciali, & expressa, per ipsius Sedis patentes litteras apparente, ut in constit. Bonif. VIII. de qua in Bull. Rom. cap. 1. pag. 35. quam Clemens Papa VIII. anno 1593 kal. Iunij innovavit, illamque inviolabiliter observari decrevit, & mandavit, non obstantibus constitutionibus, & ordinationibus Apostolicis, ac obligationibus in forma Cameræ, ut in constit. ejusdem Clementis in eod. Bull. cap. 35. pag. 339.

99 Ideò ¶ animadvertere debent iudices ecclesiastici, ne cujusvis obligationis, etiam in formæ Cameræ Apostolicæ vigore, pro debito pecuniario Provincias, civitates, castra, villas, loca, territoria, vel districtus interdicto ecclesiastico

supponant, quia essent causa omnium malorum, quæ Bonifacius VIII. & Clemens VIII. Pontifices supra evitari voluerunt. Et præsertim, quòd quamplura suffragia mortuis tollerentur.

Sunt autem animæ cunctis, & rebus, & corporibus pretiosiores, cap. cum infirmitas, in fin. de pœnit. & remiss.

Unde, cum eorundem iudicum auctoritate fiat, ut interdicti tempore defunctorum animæ hujusmodi debitis suffragijs careant, ¶ teneantur iudices ipsi ad restitutionem ex deducis per Grass. in decis. aur. par. 1. lib. 2. cap. 45. nu. 19.

101 Nec ¶ dicatur, quod contraria consuetudine dictæ constitutiones fuerint sublata: quia acta, quæ sunt contra leges, sunt nulla, cap. in nomine Domini, & ibi Felyn. in princip. de testibus, cap. videntes, & ibi gloss. 10. distinct. & Bacc. in l. non dubium, nu. 2. & 3. C. de leg. & quod nullum est non habetur in co. fidei- ratione, cap. non præstat, & ibi gloss. de reg. juris in 6. Licet enim Auditor Camerae solus, vigore obligationum Camera- lium, facultatem habeat censuras Eccle- siasticas promulgandi, ut in facultatibus, de quibus in Bull. Sixti Papæ Quinti, cap. 28 pag. 153. §. præterea.

102 ¶ Nullam tamen habet specialem contra Provincias, communicatas, & Uni- versitates interdicta promulgandi, pro- ut requiritur ex forma dictarum constitu- tionum, ibi, nisi talis suppositio fiat de Apostolicæ Sedis licentia speciali, & ex- pressa per ipsius Sedis patentes litteras ap- parente, quæ verba specialem formam important, & dictæ constitutiones ha- bent decretum irritans, ibi &, si secus fiat, irritum, &c. quod decretum omnia

in contrarium gesta annullat ipso jure, ut in capitulo: si eotempore, de elect. in 6. cum alijs pluries alibi allegatis, & non admittit consuetudinem in contrarium.

D E I R R E G V L A R I T A T E.

Cap. IX.

S V M M A R I V M.

- | | |
|---|---|
| <p>1 Irregularitas non est censura.</p> <p>2 Irregularitas quid sit.</p> <p>3 Irregularitas in quinque species dividitur.</p> <p>4 Irregularitas non incurritur, nisi in casibus in jure expressis.</p> <p>5 Irregulares sunt bigami, ex defectu sacramenti.</p> <p>6 Bigamia est impedimentum ordinum ob quatuor.</p> <p>7 Irregularis pluribus modis quis efficitur.</p> <p>8 Irregularitatem inducit quilibet defectus corporis, quo sine notabili horrore quis celebrare non potest.</p> <p>9 Irregularitatem non inducit modica deformitas.</p> <p>10 Deformitas, & defectus corporis, an inducant irregularitatem, arbitrium Episcopi debet judicare.</p> <p>11 Irregularitatem inducit natalium defectus, etiam occultus.</p> <p>12 Matri adultera, filius in sui præjudicium credere non tenetur.</p> <p>13 Illegitimi, ut plurimum, paterna incontinentia imitatores, & male morigerati esse solent.</p> <p>14 Illegitimi per subsequens matrimonium</p> | <p>excepta Cardinalatus dignitate, ad omnia habilitantur.</p> <p>15 Irregularitatem inducit anima defectus.</p> <p>16 Irregularis est penitus illiteratus, & inhabilis, etiam ad primam tonsuram.</p> <p>17 Irregularitas incurritur, ex defectu perfecta lenitatis.</p> <p>18 Ordines omnes referuntur ad Euchariſtia sacramentum.</p> <p>19 Sacerdos homicida, magis representat interfectores Christi, quam ipsum Christum.</p> <p>20 Irregularitas incurritur, tam ob membri incisionem, quam per homicidium.</p> <p>21 Inutile esse, & non esse, paria videntur.</p> <p>22 Similium idem judicium est habendum.</p> <p>23 Paria sunt ecclesiam Prælatum, uxorem virum, & patrem filium non habere, seu illum habere inutilem.</p> <p>24 Irregularitatem regulariter debilitas membri non inducit.</p> <p>25 Interpretatio in penis strictior est facienda.</p> <p>26 Irregularitas contrahitur per quodcumque homicidium, & cujuscumque per-</p> |
|---|---|